

虚受堂前汉书补注

公孫弘卜式兒寬傳第二十八

漢書五十八

漢

蘭

臺

令

史班

固

撰

唐正議大夫行祕書少監琅邪縣開國子顏師古注

賜進士出身翰林院編修國子監祭酒加三級

臣

王先謙補注

公孫弘

補注齊召南曰史記字季漢書於名字里居住往往視史記加詳此文獨脫沈欽韓曰西京雜記鄒長倩遺弘書云次

卿足下則弘

一字次卿 菑川薛人也

補注先謙曰顧炎武云史記傳稱齊菑川薛縣人也薛並不屬二國正義表云

菑川國文帝分齊置都劇括地志故劇城在青州壽光縣南三十里故薛城在徐州滕縣界按薛與劇隔兗州及泰山儒林傳言

薛人公孫弘是弘審為薛人言齊菑川者誤也齊召南云本傳牧豕海上惟菑川北近海若魯國薛縣東去海絕遠又云菑川國復

推上弘史漢並合然則弘為薛人尚可疑其為菑川人似無可疑也錢大昕云地理志菑川國二縣無薛縣然高五王傳菑川王終

古曾削四縣安知薛縣不在所削之內漢志所載侯國領縣若干皆元成以後之制如蠡吾故屬河間良鄉安次文安故屬燕陞城

故屬趙之類賴有列傳略見一二未可据志駁傳沈欽韓云菑川治劇薛蓋劇字之誤洪頤煊云薛當是鄉聚名如東方朔傳平原

厭次人之類先謙案史漢並書薛人則薛非劇誤史稱薛縣則非鄉聚名也薛去菑川絕遠亦不應在終古所削四縣之內史記云

少時為薛獄吏蓋弘本菑川人其先齊末分故稱齊菑川人因少
少在薛久故或亦稱為薛人耳此史家承譌班未及栞正者也
時為獄吏有罪免補注先謙曰史記為下有薛字不可去家貧牧豕海上年四十餘

乃學春秋雜說

補注何焯曰雜說雜家之說兼儒墨合名法者也藝文志亦有公羊雜記八十三篇以宏所對智者

術之原也一條味之其學蓋出於雜家則此雜說非春秋經師之雜說也

武帝初即位招賢良文學士

補注宋祁曰士字上疑有之字

是時弘年六十已賢良徵為博士使匈奴還報不

合意

師古曰奏事不合天子之意

上怒已為不能弘乃移病免歸

師古曰移病謂移書言病

也一曰以病移居補注先謙曰一說非

元光五年復徵賢良文學菑川國復推上弘

補注沈欽韓曰案西京雜記云公孫弘以元光五年為國士所推為賢良國人鄒長倩以其家貧少自資致乃解衣裳以衣之釋所

暑冠履以與之又贈以芻一束素絲一綫撲滿一枚書題遺之

弘謝曰前已嘗西用不能罷願更

選

補注先謙曰用猶以史記作以

國人固推弘弘至太常上策詔諸儒制曰

補注王念

孫曰景祐本儒下有曰字是也制曰二字即策中之語則上句曰字不可省董仲舒傳云天子乃復冊之曰制曰即其證

蓋聞

上古至治畫衣冠異章服而民不犯

補注先謙曰解詳武陰陽和紀亦見元紀刑法志

五穀登六畜蕃

師古曰登成也蕃多也音扶元反

甘露降風雨時嘉禾興朱少生

師古曰少古草字

山不童澤不涸

師古曰童無草木也涸水竭也音胡各反

麟鳳在郊藪龜龍

游於沼

師古曰邑外謂之郊澤無水曰藪沼池也

河洛出圖書父不喪子兄不哭弟

補注

先謙曰無短折

北發渠搜南撫交趾

師古曰言威德之盛北則徵發于渠搜南則綏撫於交趾也渠搜遠夷之

國也補注先謙曰二語本大戴禮少閒篇盧辨注以北發為北狄地名其言北發渠搜氏羌徠服與南撫交趾文不相屬制策用為

對舉蓋誤故弘對略而不言渠搜西域之

國亦不在北方顏依文立訓耳詳見武紀

舟車所至人迹所及

行喙息咸得其宜

師古曰跛行有足而行者也喙息謂有口能息者也跛音岐喙音許穢反

朕甚嘉之

今何道而臻乎此

師古曰臻至也

子大夫修先聖之術明君臣之義講論

洽聞有聲乎當世問子大夫

補注先謙曰官本問上有敢字是

天人之道何所本

始吉凶之效安所期焉

師古曰安焉也

禹湯水旱厥咎何由仁義禮知四

者之宜當安設施屬統垂業物鬼變化

師古曰屬繫也音之欲反其下亦同補注先謙曰屬

統垂業下接物鬼變化四字語似不倫据弘對屬統垂業之本也以下無一語及物鬼變化之事疑衍文

天命之符廢

興何如天文地理人事之紀子大夫習焉其悉意正議詳具其對

著之于篇

師古曰悉盡也篇簡也

朕將親覽焉靡有所隱弘對曰臣聞上古

堯舜之時不貴爵賞而民勸善不重刑罰而民不犯躬率曰正而

遇民信也

師古曰躬謂身親行之遇謂處待之而已補注宋祁曰注文而已字疑當刪

末世貴爵厚賞

而民不勸深刑重罰而姦不止其上不正遇民不信也夫厚當重

刑

補注錢大昭曰當閩本及漢紀並作賞先謙曰官本作賞是

未足曰勸善而禁非必信而已

矣是故因能任官則分職治

師古曰分音扶問反

去無用之言則事情得不

作無用之器即賦斂省

補注先謙曰即官本作則古即則通用

不奪民時不妨民力

則百姓富有德者進無德者退則朝廷尊有功者上無功者下則

羣臣遯

師古曰言有次第也師古曰遯音七旬反其字從之補注先謙曰官本注上師古作李奇是之作是引宋祁曰遯疑

作俊姚本注文改是作之先謙案李訓遯為有次第古無此義其說非也遯退也言羣臣明退讓之義也說文遯復也復乃復之誤字徐鍇韻譜遯復也復即退字遯集韻作俊耳景文不能改遯為俊也故景文以為遯疑作俊今傳寫誤作俊耳景文不能改遯為俊也

罰當罪則姦邪止賞當賢則臣下勸凡此八者治之本也

補注先謙曰官

本治下有民字引宋祁云江南本無民字王念孫云江南本是也民字涉上下文而衍上文八事皆治道之大者不專指民而言漢紀無民字下文凡此四者治之本亦無民字故民者業之即不爭理得則不怨有禮則

不暴愛之則親上

師古曰各得其業則無爭心各申其理則無所怨使之由理則無暴慢子而愛之則知親上也

補注先謙曰由下理字官本作禮是

此有天下之急者也故法不遠義則民服而不

離和不遠禮則民親而不暴

師古曰遠違也音于萬反

故法之所罰義之所去

也

師古曰去除也音丘呂反補注先謙曰官本作去棄也音丘舉反

和之所賞禮之所取也禮義

者民之所服也而賞罰順之則民不犯禁矣

補注宋祁曰監本漸本止云不犯矣南本

云民之所服也不犯禁矣而賞罰順之則民從余謂不犯禁矣四字疑當刪止作則民從

故畫衣冠異章服而

民不犯者此道素行也臣聞之氣同則從聲比則應

師古曰比亦和也音頻寐

反補注先謙曰官本無亦字此衍

今人主和德於上百姓和合於下

師古曰合謂與上合德也

故心和則氣和氣和則形和形和則聲和聲和則天地之和應矣

故陰陽和風雨時甘露降五穀登六畜蕃嘉禾與朱草生山不童

澤不涸此和之至也故形和則無疾無疾則不夭故父不喪子兄

不哭弟德配天地明並日月則麟鳳至龜龍在郊河出圖洛出書

遠方之君莫不說義師古曰說讀曰悅奉幣而來朝此和之極也臣聞之

仁者愛也義者宜也禮者所履也師古曰履而行之補注先謙曰官本注履上有視字智者

術之原也致利除害兼愛無私謂之仁師古曰致謂引而至也明是非立可

否謂之義進退有度尊卑有分謂之禮師古曰分音扶問反擅殺生之柄通

塞之塗師古曰擅專也補注錢大昭曰通下脫壅字南監本權輕

重之數論得失之道使遠近情僞必見於上謂之術師古曰見顯也凡此

四者治之本道之用也皆當設施不可廢也得其要則天下安樂

補注宋祁曰南本云得其要道漸本云得其要術王念孫曰術字承上文謂之術而言下文不得其術又對得其要術而言則有術

字者是也治要引此法設而不用師古曰下不犯法無所加刑也不得其術則主

亦有術字漢紀同

蔽於上官亂於下此事之情屬統垂業之本也臣聞堯遭鴻水使

禹治之未聞禹之有水也若湯之旱則桀之餘烈也桀紂行惡受

天之罰禹湯積德曰王天下因此觀之天德無私親補注宋祁曰天德浙本無

德順之和起逆之害生補注王念孫曰和當為利草書之誤也順字逆利害皆對文若作和則與害不相對矣

漢紀作和亦後人以誤本漢書改之文選永明十一年策秀才文注引此正作利此天文地理人事之紀

臣弘愚戇不足曰奉大對師古曰大對大問之對也時對者百餘人太常奏弘

第居下策奏天子擢弘對為第一召入見容貌甚麗補注先謙曰官本無入字

引宋祁曰浙本云召入見拜為博士待詔金馬門如淳曰武帝時相馬者東門京作銅馬法獻之立馬於魯

斑門外更名魯斑門為金馬門弘復上疏曰陛下有先聖之位而

無先聖之名補注先謙曰官本名作民蓋緣下民字而誤有先聖之民而無先聖之吏

是曰勢同而治異先世之吏正故其民篤師古曰篤厚也今世之吏邪故

其民薄政弊而不行令倦而不聽夫使邪吏行弊政用倦令治薄

民民不可得而化此治之所曰異也臣聞周公旦治天下朞年而

變三年而化五年而定唯陛下之所志師古曰言志所在也書奏天子曰冊

書答曰補注宋祁曰答字下疑有焉字問弘稱周公之治弘之材能自視孰與周

公賢師古曰與猶如也弘對曰愚臣淺薄安敢比材於周公雖然愚心曉

然見治道之可已然也夫虎豹馬牛禽獸之不可制者也及其教

馴服習之師古曰馴順也音巡至可牽持駕服唯人之從師古曰從人意臣聞揉曲

木者不累日師古曰揉謂矯而正之也累積也揉音人九反補注宋祁曰累當作案注文累積字上當有案古累字四

字銷金石者不累月夫人之於利害好惡豈比禽獸木石之類哉

師古曰好音呼到反惡音一故反朞年而變臣弘尚竊遲之上異其言時方通西

南夷巴蜀苦之詔使弘視焉還奏事盛毀西南夷無所用上不聽

每朝會議開陳其端使人主自擇不肯面折庭爭於是上察其行

慎厚辯論有餘習文法吏事補注沈欽韓曰西京雜記公孫弘著公孫子言刑名事謂字直白金緣

飾曰儒術

師古曰緣飾者譬之於衣加純緣者

上說之

師古曰說讀曰悅

一歲中至左內史

補注先謙曰史記作二歲徐廣注一云一歲

弘奏事有所不可不肯庭辯

師古曰不於朝廷顯辯論

之補注宋祁曰庭當作廷後庭詰並同

常與主爵都尉汲黯請閒

師古曰求空隙之暇黯先發

之弘推其後上常說

師古曰說讀曰悅

所言皆聽曰此日益親貴嘗與公

卿約議

師古曰約要也

至上前皆背其約曰順上指汲黯庭詰弘曰齊人

多詐而無情始為與臣等建此議今皆背之不忠

補注先謙曰史記情下有實字

始下無為字為讀曰偽

上問弘弘謝曰夫知臣者曰臣為忠不知臣者曰臣

為不忠上然弘言左右幸臣每毀弘上益厚遇之弘為人談笑多

聞

師古曰善於談笑而又多聞也談字或作談音恢謂咽也善咽謹也補注先謙曰史記作恢奇多聞

常稱曰為人

主病不廣大人臣病不儉節養後母孝謹後母卒服喪三年為內

史數年遷御史大夫時又東置蒼海

補注宋祁云一作滄

北築朔方之郡弘

數諫曰為罷弊中國曰奉無用之地

師古曰罷讀曰疲補注先謙曰官本無此注

願罷

之於是上迺使朱買臣等難弘置朔方之便發十策弘不得一師古

曰言其利害十條弘無以應之補注先謙曰集解引韋昭曰弘才非不能得一不敢逆上耳弘迺謝曰山東鄙

人不知其便若是願罷西南夷蒼海專奉朔方上迺許之汲黯曰

弘位在三公奉祿甚多師古曰奉音扶用反其下亦同然爲布被補注沈欽韓曰鹽鐵論救匱篇

公孫弘布被兒寬練袍此詐也上問弘弘謝曰有之夫九卿與臣善者無過

黯然今日庭詰弘誠中弘之病夫曰三公爲布被誠飾詐欲曰釣

名師古曰釣取也言若釣魚之謂也且臣聞管仲相齊有三歸師古曰三歸取三姓女也婦人謂嫁

曰侈擬於君謙曰官本注文在亦上僭於君下桓公曰霸亦上僭

於君晏嬰相景公食不重肉妾不衣絲齊國亦治亦下比於民師古

曰比方也一曰比近也音頻寐反今臣弘位爲御史大夫爲布被自九卿曰下至

於小吏無差誠如黯言補注先謙曰差別也且無黯陛下安聞此言上曰爲

有讓愈益賢之元朔中代薛澤爲丞相補注先謙曰通鑑考異云史記將相名臣表漢書百

官公卿表弘爲相皆在元朔五年建元以來侯者表恩澤侯表皆云元朔三年封侯按三年弘始爲御史大夫蓋誤書五爲三因置於三年耳先是漢常曰列侯爲丞相唯弘無爵上於是下詔曰朕嘉先

聖之道開廣門路宣招四方之士蓋古者任賢而序位量能曰授

官勞大者厥祿厚德盛者獲爵尊故武功曰顯重而文德曰行褒

其曰高成之平津鄉戶六百五十封丞相弘爲平津侯補注齊召南曰按志

高成縣屬勃海郡宋白云滄州鹽山縣古高成縣也有平津縣又戶六百五十表作三百七十三戶表傳互異其後曰爲

故事至丞相封自弘始也時上方興功業婁舉賢良師古曰婁古屢字弘

自見爲舉首起徒步數年至宰相封侯於是起客館開東閣曰延

賢人師古曰閤者小門也東向開之避當庭門而引賓客曰別於大賢次曰翹材館以待大才次曰接士館以待國士其有德任毗

贊佐理陰陽者處欽賢之館其有才堪九列將軍二千石者居翹材之館其有一介之善一方之藝居接士之館姚鼐曰此閤是小

門不以賢者爲吏屬別開門延之若後漢汝南太守韓崇召蔡順

爲東閣祭酒其後魏晉至梁陳稱東閣祭酒者甚多此則正是參佐耳又有西閣祭酒如孔琳之爲桓元太尉西閣祭酒是也蓋公

府及州郡皆得作閣室以居參佐故有東西之稱與平津東閣自別而書籍字形往往外互當各隨義正之先謙曰官本閣作閣

與參謀議弘身食一肉脫粟飯師古曰才脫粟而已不精鑿也脫音他活反補注李楨曰說文糲米

一斛春九斗曰繫廣韻繫精細故人不賓客仰衣食師古曰故人平生故交也仰音

牛向反補注沈欽韓曰西京雜記弘起家徒步為丞相故人高賀從之弘食以脫粟飯覆以布被賀怨曰何用故人富貴為脫粟布

被我自有的弘大慙賀告人曰公孫弘內服貂蟬按貂蟬非內服蓋蟬字外衣麻桌內廚五鼎外膳一肴豈可以示天下於是朝廷

疑其矯焉弘歎曰甯逢惡賓不逢故人奉祿皆已給之家無所餘然其性意忌外寬

內深師古曰意忌多所忌害也補注王念孫曰意忌二字平列意者疑也內多疑忌故曰外寬內深廣雅意疑也文三王傳顏

注意疑也陳平張湯二傳並同此文諸常與弘有隙補注宋祁曰南本常作嘗無近遠雖陽與善

後竟報其過補注先謙曰史記過作禍殺主父偃徙董仲舒膠西皆弘力也後

淮南衡山謀反治黨與方急弘病甚自己為無功而封侯居宰相

位宜佐明主填撫國家師古曰填音竹刃反使人由臣子之道師古曰由從也今諸

侯有畔逆之計此大臣奉職不稱也師古曰稱副也恐病死無已塞責師古

古

曰塞當也補注乃上書曰臣聞天下通道五所補注曰行之者三君臣

父子夫婦長幼朋友之交五者天下之通道也仁知勇三者所補注曰

行之也故曰好問近乎知師古曰疑則問力行近乎仁師古曰屈

也爲仁知恥近乎勇師古曰不求苟知此三者知所補注曰自治知所補注曰

自治然後知所補注曰治人師古曰自好問近乎智未有不能自治而

能治人者也陛下躬孝弟監王在建周道兼文武招徠四方之士

任賢序位量能授官將補注曰厲補注勸賢材也今臣愚驚無汗馬之

勞師古曰言未陛下下過意擢臣補注卒伍之中師古曰過猶誤也

意猶言過垂恩意先謙曰官封爲列侯致位三公臣補注弘行能不足

曰稱師古曰不加有負薪之疾恐先狗馬填溝壑終無補注曰報德塞

責願歸侯乞骸骨避賢者路補注何焯曰淮南輕宏至有發蒙振

者皇恐避位蓋上報曰古者賞有功褒有德守成文補注錢大昭

字南監本闕本皆有先謙曰官本有上**遭遇右武**師古曰右亦上

字据下注顏本有上字史記亦作尙文**遭遇**武耳補注先謙曰遇官本作禍据顏注亦當是禍字史記作遭遇

索隱引顏云言遭遇亂時而上武也又與此注異疑遇字篆文與禍相涉因譌**未有易此者也**師古曰**朕夙夜庶幾獲承至尊懼不**

能寧惟所與共為治者君宜知之師古曰惟思也知謂知治道也

蓋君子善善及後世若茲行常在朕躬師古曰朕常思此不息於

蓋君子善善惡惡君宜知之君若謹行常在朕躬郭嵩燾云此答其歸侯之意善善及後世謂世傳國為侯行者所以行賞也武帝

自言身任賞罰之權與史**君不幸罹霜露之疾何恙不已**師古曰

記文義各別而漢書為勝**君不幸罹霜露之疾何恙不已**羅遭也

恙憂也已止也言何憂於疾不止也禮記曰疾止復初也補注先謙曰集解引漢書音義曰何恙喻小疾不以時愈索隱恙憂也以

言罹霜露寒涼之疾**乃上書歸侯乞骸骨是章朕之不德也**師古

輕何憂於病不止**乃上書歸侯乞骸骨是章朕之不德也**日章

明也今事少閒師古曰閒言有空**君其存精神止念慮輔助醫藥已**

自持因賜告牛酒雜帛補注郭嵩燾曰後漢陳忠傳注古者召吏

此連牛酒雜帛為文謂因**居數月有廖視事凡為丞相御史六歲**

賜告兼賜牛酒雜帛也

年八十終丞相位

補注先謙曰陳鵬年云按史記弘以建元元年徵為博士罷歸年六十至元光五年凡十一年

年七十一是年即以博士為左內史元朔三年為御史大夫年七十五五年為丞相年七十七元狩二年三月薨在相位二年餘年

十其後李蔡嚴青翟趙周石慶公孫賀劉屈氂繼踵為丞相

師古曰繼

踵言相躡也屈音丘勿反又鉅勿反釐音力之反

自蔡至慶丞相府客館丘虛而已

師古曰言

不能進賢故不繕修其室屋也虛讀曰墟補注郭嵩燾曰息夫躬傳寄居丘亭師古曰丘空也當時或名空虛為丘虛依師古前注

則此不當讀虛為墟

至賀屈氂時壞曰為馬廐車庫奴婢室矣

補注先謙曰說文庫兵車

藏也从車在广下

唯慶曰惇謹復終相位

師古曰惇厚也音敦

其餘盡伏誅云弘子

度嗣侯為山陽太守十餘歲詔徵鉅野令史成詣公車度畱不遣

坐論為城旦元始中修功臣後下詔曰漢興曰來股肱在位身行

儉約輕財重義未有若公孫弘者也位在宰相封侯而為布被脫

粟之飯奉祿曰給故人賓客無有所餘可謂減於制度

應劭曰禮責有常尊

衣服有品補注先謙曰官本注併入而率下篤俗者也下

而率下篤俗者也

師古曰篤厚也

與內富厚

而外爲詭服曰鈞虛譽者殊科

師古曰詭違也詭服謂與心志相違也一日違眾之服也補注先謙

曰富厚官本作厚富

夫表德章義所曰率世厲俗聖王之制也其賜弘後子

孫之次見爲適者

師古曰見音胡電反適讀曰嫡補注先謙曰次謂世次

爵關內侯食邑三

百戶

補注何焯曰此莽借宏以自衰大耳史家不探其隱而錄之

卜式河南人也曰田畜爲事有少弟弟壯式脫身出

師古曰脫身謂引身出也

脫音他活反補注先謙曰官本他作徒

獨取畜羊百餘田宅財物盡與弟式入山牧

十餘年羊致千餘頭買田宅而弟盡破其產式輒復分與弟者數

矣

師古曰數音所角反

時漢方事匈奴式上書願輸家財半助邊上使使問

式欲爲官乎式曰自少牧羊

補注先謙曰官本少作小

不習仕宦不願也使者

曰家豈有冤欲言事乎式曰臣生與人亡所爭邑人貧者貸之

師古

曰貸音主戴反

不善者教之所居人皆從式式何故見冤使者曰苟子何

欲

師古曰言子苟如此輸財必有所欲補注齊召南曰按平準書欲作苟如此子何欲而然此傳節去數字意似不了又按卜式始